



IJWI RY'UBUHANUZI
ISHURI RYA BIBILIYA
MWIPOSTA

B.P. 110

BUJUMBURA

BURUNDI

ICIGWA CA 8.

IMANA ISHIKIRIZA ABANA BAYO AMABWIRIZWA YAYO ICESE.

« Ni mwankunda, muzokwitondera ivyagezwe vyanje. »
Yohana 14 : 15.

URWINJIZO

Tumaze kwiga vyinshi vyerekeye igicumuro, inyanduruko yaco n'abagikoze ubwa mbere, n'abagikora ubu, n'uko impreza y'ibicumuro ari urupfu, n'ukw ibicumuro arivyo vyatumye Yesu apfa, n'ukw Imana yanka ibicumuro. Twabonye kandi k'umuntu afise ibicumuro afise imibereho iteye ikigongwe. Twize kandi kw Imana ikunda umunyabicumuro cane, yaseranye kumubabarira ibicumuro vyiwe n'avvihana. Yuda atubwira mu murongo wa 24 ko Yesu ashobora kuturinda ibicumuro. « Ariko Ishobora (Yesu) kubazigama ngo ntumitsitare. » Mbega none ibicumuro n'iki ? Bamwe bavuga kw igicumuro ar'ikintu iki n'iki, abandi bakacita ikindi. Abandi bavuga kw ikinyoma kihambaye ari co gicumuro, ngw ikinyoma kitahambaye s'igicumuro. Abandi bemeza kw ikinyoma cose, ar'igicumuro. Abantu babitandukanya gurtyo. Mbega none twosanga nde ngw adusigurire ivy'igicumuro atubwije ukuri ? Mu vy'ukuri nta mahoro ari mu gukurikiza ivy'abantu bigisha. None ni nde azodufasha ? Tuzotandukanya ikibi n'iciza gute ?

UBUZIMA BWA YESU.

1. Mu buzima bwiwe Yesu yigenza gute ?

Mu vyigwa duhejeje twize ko tubwirizwa kugenza nka Yesu. Nk'uko vyanditswe muri Yohana 15 : 4, Yesu yaravuze ati « Ni mugume muri jewe. » Yesu ashaka ko dushira hamwe na we. Iyaba atari vyo yashatse, ntaba yaravuze aya majambo. Dusoma muri 1 Yohana 3 : 6, ngo « Umuntu wese aguma muri we, akiyiwe na we kugenda nk'uk'uwo yagenda. » 1 Yohana 2 : 6. Usome iyi mirongo witonze urasanga ko Yesu ashaka ko

tuba muri we, kugira ngo twirinde ibicumuro, ahubwo twigenze nk'uko yigenza, mu gukora nk'ivyo yakora. Iyo niyo mpanvu nyakuri yo kuba umukristo. Kwigenza nk'ukw Imana yigenza, turangure ibikorwa vyacu, nk'ukw Imana yaranguye ibikorwa vyayo. None Yesu yigenza gute ? Yagerageza kwigenza neza umwanya wose. Imigenzo yiwe ntiyari iteye ukubiri n'iy'Imana. Tusoma muri Yohana 15 : 10, aravuga, ati « Nk'uko nanje nitondeye ivyagezwe vya Data. » None ntidukwiye kuraba amabwirizwa y'Imana kugira ngo tumenye imigenzo ya Yesu ? None ntidukwiye kwita kuri ayo mabwirizwa kugira ngo tumenye uko dukwiye kugenza ? Umusiguzi 12 : 13, « Wubahe Imana, witondere ivyagezwe vyayo ; kukw ivy'ari vyo bibereye rwose umuntu wese. » Ni koko n'insingano yacu kwigenza nk'uko Kristo yigenza, tugakurikiza amabwirizwa yahora akurikiza.

IMANA IHA UMUNTU AMABWIRIZWA YAYO

2. Mbega Imana yahaye umuntu amabwirizwa gute ?

Imana yari yarakuye abantu bayo b'Ibisirayeli mu buja bw'Abanyeiputa, ibajana mu gihugu c'isezerano. Bari bamaze imisi myinshi mu buja gushika n'aho bibagira Imana yigishije ba sokuruza, kugira ngw ibategurire kwigenza nk'ukw ishaka. Yabahaye amabwirizwa yayo.

Kuvayo 19 : 20, « Nuk'Uhoroaho aramanuka aza kur'uwo musozi Sinayi, ku mpinga yawo. Uhoroaho ahamagara Mose ngw aduge uwo musozi ashike ku mpinga Mose araduga. » Kuvayo 24 : 12, « Uhoroaho abarira Mose, ati Duga, uze aho ndi kur'uyu musozi, ugumeho ; nanje nzoguha ibisate vy'amabuye birikw ivyagezwe n'amabwirizwa ivyo nanditse ng' uvygishe ». Kuvayo 31 : 18, « Uhoroaho amaze kubonanira na Mose kur'uwo musozi Sinyi, amuha ibisate bibiri vyanditswekw Ibishinga istahe, ivyo bisate vyar'iv'yamabuye, vyanditsweko n'URUTOKE RW'IMANA. »

Muri ibi vyanditswe vyera twize yuko, Iman yahereye Mose ibisate vyamabuye ku musozi wa Sinayi, ari vyo Imana ubwayo yanditsek amabwirizwa yayo canke ivyagezwe, ivyandikishije URUTOKE RWAYO UBWAYO, kugira ngo Mose ayigishe abantu Bibiliya yose yanditswe n'abantu b' aberanda, arikw Imana ubwayo niyo yanditse amabwirizwa yayo.. si mu gitabo ahubwo ni kw ibuye.

3. Ayo mabwirizwa tuyasanga he ?

Ayo mabwirizwa n'icumi yanditswe mu Kuvayo 20 : 3—17.

1. Imana ivuga aya majambo yose, iti Nd'Uhoroaho Imana yawe, yagukuye mu gihugu ca Egiputa, mu nzu y'ubuja. Ntukagire izindi mana umbangikanya.

2. Ntukibazire igishushanyo, cank'igisa n'ishusho y'iki-
ntu na kimwe kiri hejuru mw ijuru canke hasi kw isi, canke
mu mazi yo mu biyaga ; ntuz'uvyikubite imbere, ntuz'ubisabe,
mu kuko jewe Uhoroaho Imana yawe nd'Imana ifuha, mpora aba-
na ibigabitanyo vya ba se, nkageza ku runganwe rugira gatatu
no ku rugira kane rw'abanyanka, nkagirira ikigongwe abankunda
bakitondera ivyagezwe vyanje, nkageza ku runganwe rwabo
uko ruzogenda rukurikirana gushitsa igihumbi.

3. Ntugapfe kuvuga izina ryanje, jewe Uhoraho Imana yawe, ku vy'ubusâbusa ; kuk'uworivuga ku vy'ubusâbusa, jewe Uhoraho ntobura kubimuhora.

4. Wibuke kuziririza umusi w'isabato. Mu misi itandatu uz'ukore, abe ari yo ukoreramw'ibikorwa vyawe vyose : arik' umusi ugira indwi niwo sabato yanje, Jewe Uhoraho Imana yawe. Ntukagire igikorwa na kimwe ukora kuri wo, wewe ubwawe, cank'umuhungu wawe, canke umukobwa wawe, canke umugurano wawe, cank'umuguranokazi wawe, cank'inka zawe, cank'uw'inyambukira aba iwawe : kukw imisi itandatu ari yo jewe Uhoraho naremyemw ijuru n'isi n'ikiyaga n'ibiru muri vyo vyose, nkaruhuka ku musi ugira indwi : ni co catumye jewe Uhoraho mpezagira umusi w'isabato, nkawenza.

5. Wubahe so na nyoko, kugira ng'urambire mu gihuwe jewe Uhoraho Imana yawe nzoguha.

6. Ntukice.

7. Ntugasambane.

8. Ntukibe..

9. Ntukagirize ibinyoma mugenzawe.

10. Ntukifuze inzu ya mugenzawe, ntukifuze umugore wa mugenzawe, cank'umugurano wiwe, cank'umuguranokazi wiwe, cank'indogobwa yiwe, cank'ikintu na kimwe ca mugenzawe.

Umntu umwe yabajje Yesu, at' « Ibvirizwa risumba ayanzi mu vyagezwe n'irihe? Aramwihura ati Mukundishe Uhoraho Imana yanyu imitima yanyu yose... Iryo miryo rihambaye rya mbere. Har'irindi rya kabiri rimeze nka ryo, n'iri : Mukunde bagenzi banyu nk'uko mwikunda. » Arongera ati « Kur'ayo mabvirizwa yompi ivyagezwe vyose n'amajambo y'avugishwa n'Imana ni yo vyenenako. »

N'ukuri gukunda Imana no gukunda abantu ni vyo amabvirizwa yose 'ahagazeko. Kuko turanguye amabvirizwa ane ya mbere, tuba twerekanye urukundo dufitiye Imana, ngorangure atandatu aheruka, naho tukaba twerekanye urukundo dufitiye abantu. Ukw intoke cumi ziri ku biganza vyompi, nk'uko amabvirizwa cumi y'Imana ashingiye kuri ayo mabvirizwa yompi, Yesu yavuze, Gukunda Imana no gukunda abantu.

IMIGENZO Y'IMANA IMENYEKANIRA MURI AYO MABWIRIZWA.

4. Imigenzo y'Imana imenyekanira gute muri ayo mabvirizwa yayo ?

(a) « Imana n'urukundo. »
1 Yohana 4 : 8

(a) Amabvirizwa yayo ashingiye
ku rukundo. Matayo 22 : 37—
40. «...Mukundishe Uhoraho
Imana yanyu imitima yanyu
yose, n'ubugingo bwanyu bwo-
se... Mukunde bagenzi banyu
nk'uko mwikunda. »

(b) « Uhoraho aragororoka. »
Zaburi 145 : 17

(b) « Kukw amabvirizwa yawe
yose ar'ay'ukgororoka. »

(c) Imana irera. Abalewi 11:
44 «Kuko nd'Uhoraho Ima-

(c) Amabvirizwa yayo n'ayera.
« None rer'ivyagezwe n'ivyera,

na yanyu : nimwiyeze rero,
mube abera, kuko nanje
nd'uwera. »

kandi ibwirizwa n'iryera, ri-
gororotse, ryiza. »

(d) N'Imana y'ukuri. Zabu-
ri 31 : 5. « Warancunguye
Uhoraho, Mana y'ukuri. »

(d) Ivyagezwe vyayo n'ivy'ukuri.
Malaki 2 : 6. « Icagezwe c'ukuri
caba mu kanwa kiwe, kandi
mu minwe yiwe nta bigoramye
vyahumvikana. »

(e) N'Imana y'amahoro
izohonyangira Satani musi.
y'ibirenge vyanyu. »

(e) Gukurikiza amabwirizwa
y'Imana bizana amahoro
Zaburi 119 : 165, « Aba-
kunda ivyagezwe vyawe ba-
gira amahoro menshi ; nta
kibatsitaza bafise. »

(f) Imana irera. Matayo 5 :
48 « Mwebwe ni mube a-
gahore, nk'uko So wo
mw ijuru ar'agahore. »

(f) Ivyagezwe vy'Uhoraho bi-
ratunganye rwose, bihembura
ubugingo Zaburi 19 : 7.

None ko dukwiye kwigenza nk'uko Yesu yigenza, ni ngombwa
ngo tugire imigenzo ihwanye na rwiwe. Kandi ubwo imigenzo
yiwe ar'imigenzo yubaha kandi ikurirkiza amabwirizwa, natwe
dukwiye gukomeza amabwirizwa y'Imana. Ni wigenza nk'uko
Dawe yahora yigenza, mbe ntuzokomeza ayo mabwirizwa
Dawe yakomeza ? Yee n'ivy'ukuri.

AMABWIRIZWA Y'IMANA N'AYIMYAKA YOSE.

5. Amabwirizwa y'Imana azogumaho kugeza ryari ?

Yesu akiri kw isi yavuze amajambo dusoma muri Matayo
5 : 17, 18, ati « Ntimugire ngo naje gusenyura ivyagezwe
cank'amajambo y'abavugishwa n'Imana. Sinaje kubisenyura
naje kubishitsa. Ndababwire ukuri, gushitsa ah'ijuru n'isi bi-
zoviraho, nta kanyuguti na kamwe canke n'akazatsa bizzova
ku vyagezwe, gushitsa aho, vyose bizahererezwa. »

Agace gatoyi k'indome n'umugabane mutoya cane wayo
ungana n'akaburungu kari hejuru ya « i » canke agasitari ga-
toya gatambikwa ku ndome ya « t » Yesu yavuze ko ata n'aga-
ce gatoya nk'ako kazovako. Zaburi 111 : 7—9, « Ibikorwa
vy'ntoke ziwe n'ukuri no kuroranya ; amabwirizwa yiwe yose
arahamye. Arashinzwe gushitsa ibihe bitazoshira, yakorewe
mu kuri no mu kugororoka. Luka 16 : 17, « Icoroshe n'ukw
ijuru n'isi vyovaho hakw akazatsa na kamwe kova ku nyuguti
imwe yo mu vyagezwe. »

Ukw Imana ihoraho (Gusubira mu Vyagezwe 33 : 1—27) nikw
amabwirizwa yayo ahoraho. Ntabasha kuvaho.

AMABWIRIZWA NIYO YEREKANA IBICUMURO.

6. N'Ibihe bintu bibiri vyagaragarijwe mu mabwirizwa ? Ni bintu ki bibi amabwirizwa agaragaza ?

(a) Ivy'Imana ishaka kw abantu bayo bakora. (b) Icaha.
Zaburi 40 : 8. « Mpimbawe no gukora ivy' ugomba, Mana
yanje : mber'ivyagezwe vyawe biri mu mutima wanje. »

Abaroma 3 : 20, « Kukw ivyagezwe ari vyo bimenyekanisha icaha. » Wobaza, ut' « Ayo mabwirizwa yobasha gute kumenyekanisha ivy'Imana igomba kandi akerekana ibicumuro ? » Mbe ntaho wari bwigere utegeka umwana wawe kwiyoza mu muso ngo n'arangiza yirabire mu cirore? Akwumviye akiyoza mu maso, icirore ni co cerekana k'uwo mwana yakoze uk'ugomba. Arikw atumviye ntiyioze mu maso, ico cirore ni co cerekana kutumvira kwiwe. Ico cirore cerekana ibintu bibiri, kwumvira canke kutumvira. Niko bimeze no ku mabwirizwa y'Imana. Yerekana ivy'Igomba kandi akerekana icaha iyo ibwirizwa rikibuzanya ryishwe. Kubwira umwana wawe ngo yiyoge mu maso vyonyene ntibihagje. Abubwo ico ngombwa n'uko yu-mvira ico umutegetse ngo mu maso hiwe hatungane. Yakobo 1 : 22—25, « Kandi mube abakora ivy'iro jambo, ntimube abaryumva gusa mwibesha. Kuk'uwumva iryo jambo ntarikore, ameze nk'umuntu yirabiye mu cirore mu maso hiwe yavukanye. Amaze kwiraba, akagenda uwo mwanya agaca yiyibagira ukw asa. Arikw uwitegerezza ivyagezwe bitunganye rwose, ari vyo vy'umwidegemvyo, akabishishikara, atar'uwumva akavyibagira, arikw ar'ubikora, ni we azohabwa umugisha mu vy'akora. »

Zaburi 119 : 11, « Nabitse ijambo ryawe mu mutima wanje ngo noye kugucumurako. »

Umugambi w'amabwirizwa n'ukwerekana urukundo rw'Imana ikunda abana bayo kugira ngo bamenye icaha ic'ari co, batayicumurako.

GUKURIKIZA AMABWIRIZWA YOSE.

7. N'ayahé mabwirizwa umuntu yokwirikiza ?

Muri I Yohana 3 : 4, dusoma ngo « Kandi icaha ni co mugarizo. » None igicumuro twokora tukába turenze amabwirizwa n'ikihe ? Iyo ngingo abantu ntibayumvikánamwo. None Imana ibivuga kw iki ? Yakobo 2 : 10, « Kuk'umuntu wese azokwitondera ivyagezwe vyose, agatsitara kuri kimwe, azoba acumuye kuri vyose. »

Ivyo twobigereranya n'uko woba wagiye mu muriro, maze baka-kujugunyira umunyororo ng'ugukize, maze ugaca agatete kamwe ko kur'uwo munyororo woba ukigufashije ? Habá n'intete ! Agace kamwe gasa gacitse gafise agaciros gahwanye n'ubugingo bwawe. Ugiye kujabuka ikiraro, none kugira ngo ugwe mu mazi, ni ngombwa kw ikiraro kigwa cose ? Oya, n'umugabane umwe gusa wocika (wewe) ukágwa mu mazi:

Mbega none wishe amabwirizwa yose y'ubutegetsi ni ho wohanwa ? Oya. Iyo wishe ibwirizwa rimwe gusa urarihania. Ntidushobora kwigenza nk'uko Kristo yigenza turenze ibwirizwa na rimwe ryo mu mabwirizwa yahora akurikiza we-yene.

AMABWIRIZWA Y'IMANA NTAHINDUKA

8. Mbega none amabwirizwa y'Imana arashobora guhinduka

Oya ntashobora guhinduka. Umuntu ashobora guhindura amabwirizwa yishinze, umuntu arahinduka, arikw Imana yo ntihinduka. Malaki 3 : 6, « Kuko jewe Uhoro ataho mpinduka ». Zaburi 89 : 34, « Sinzova mw isezerano ryanje.

sinzohindura ijambo ryavuye mu kanwa kanje. » Zaburi 111 : 7, 8 « Amabwirizwa yiwe yose arahamye. Arashinzwe gushitsa ibihe bitazoshira »

None Yesu ntiyavuze yukw icoroshe ar'ukw ijuru n'isi vyo-
vaho kuruta kw agace k'ibwirizwa kavaho ? Mbere no mur'iki
gihe giheruka Satani azi kw afise igihe gito (Ivyahishuwe 12 : 12),
arwanya abantu « bitondera ivyagezwe n'Imana. » Ivyahishu-
we 12 : 17.

Iy'Imana icira abantu bayo urubanza, ivyagezwe ari yo ma-
bwirizwa yayo niyo abacira urubanza. Umusiguzi 12 : 13, 14,
« Wubahe Imana, witondere ivyagezwe na yo ; kukw ivyo ari
vyo bibereye rwose. Kukw Imana izoshira igikorwa cose mu
rubanza, bo n'ikintu cose gihisirije , ari kibi ari ciza. »

Mu gice giheruka co muri Bibiliya, ku murongo wa 14, du-
somamwo amasezerano yasezeranijiwe abamesura imvune zabo.
Kumesura imvune n'ukwirinda ibicumuro vyose. (Ivyahishuwe
7 : 14.). Imyambaro imesuzwa amaraso y'umwagazi w'intama,
amaraso y'umwagazi w'intama adukiza ibicumuro. Ibicumuro
n'iki? « Icaha ni co mugararizo. »

Rya sezerano ryatangiwe mu Vyishuwe 22 : 14, n'rya ba
bandi baheba ibicumuro vyabo, bamwe batagararije amabwiri-
zwa y'Imana, bazokwinjira « mu murwa baciye mu marembo
yayo. »

Ubwo rero Yesu azoza kujana intore ziwe, (Yohana 14 : 3)
abagamburukiye amabwirizwa yiwe, ni bo bazoba mu mazu
yabateguriye. Gurtuo rero tubona kw ayo mabwirizwa cumi
ari yo shingiro ry'ubuhirwe bw'abana b'Imana, ndetse no mur
iyi misi y'imperuka.

Hab'aho umenga gukurikiza amabwirizwa biragoye, mbere
bidashoboka, arikw Imana ivuga kw izokwandika amabwiri-
zwa yayo mu mitima yacu. Izoturinda ibicumuro ni twaguma
muri yo. I Yohana 3 : 6, « Umuntu wese aguma muri we ntakora
ivyaha. » Yesu ntiyaje kudukiza amabwirizwa yiwe, mugabo
yazanywe n'ukudukiza ibicumuro. Iyo bishoboka kw Imana
ihindura amabwirizwa yayo canke kuyakura, iba yarabigize
kugira ngw ibabarire umwana wayo ntapfe. Ico Imana Data
wa twese yakoze co gutanga U mwana, wiwe ngw ababazwe.
yongere adupfire kubera ibicumuro vyacu, vyemeza kw ama-
bwirizwa yayo adashobora guhinduka, ahubwo azokwamaho
imyaka yose.

None ga wa musomyi, ntiwokwerekanisha urukundo uku-
nda Imana gukurikiza amabwirizwa yayo ? « N' mwakunda,
muzokwitondera ivyagezwe vyanje. » Yohana 14 : 15.

!TEGEREZE NEZA : Ukoresha Bibiliya hamwe n'icigwa.
Ikibazo cose gifise INYISHU IMWE GUSA. Wandike X mu
kazu k'inyishu y'ukuri. Ntihangire ikintu wandika mu tundi tuzu
tubiri dusigaye. Raba akarorero ku kibazo ca 1 c'icigwa ca 1.

IBIBAZO VY'ICIGWA CA 8.

1. Gukunda Imana.

- A. Abakunda Imana bavyerekana mu kubaha abaha
nuzi.
- B. Abakunda Imana bitondera amabwirizwa yayo.
- C. Abakunda Imana banka abansi babo.

2. Ni nde yanditse amabwirizwa cumi ?

- A. Amabwirizwa cumi yanditswe na Adamu.
- B. Amabwirizwa cumi yanditswe n'Imana.
- C. Amabwirizwa cumi yanditswe na Mose.

3. Amabwirizwa y'Imana yamaho.

- A. Yesu yazanywe kw isi n'uguhindura amabwirizwa
y'Imana.
- B. Amabwirizwa y'Imana ntahinduka.
- C. Umuntu yishe ibwirizwa rimwe ntaba akoze igicu-
muro.


4. Dukwiye gukurikiza Yesu.

- A. Ni twigenza nk'uko Yesu yagira tuzokora ibitangaza
- B. Ni twakurikiza Yesu tuzokomeza amabwirizwa Y'Ima-
na.
- C. Abantu bakurikiza Yesu bakundana n'ab'isi.


5. Akamaro ko gukomeza amabwirizwa y'Imana.

- A. Abakomeza amabwirizwa y'Imana bazorandurwa.
- B. Abakomeza amabwirizwa y'Imana bazokwinjira
mu murwa wera.
- C. Abakomeza amabwirizwa y'Imana ntibumvira Mpwe-
mu Yera.

IJWI RY'UBUHANUZI
ISHURI RYA BIBILIYA MW IPOSTA
B.P. 1710 Bujumbura
Burundi.



Izina



Ah'uba

